

آبو شره اعلیٰ : هریر ایچون
سنه لکی (۴۰۰) آلتی آیلمی
(۲۲۵) ممالک اجنبیه ایچون
سنه لکی (۴۵۰) ، آلتی آیلمی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عدد در .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیدور .

مسلكه موافق آثار مع المنونیه
قبول اولتور . درج ایدلهین
یازیلر اعاده اولتماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

تذکره

۱۳۳۰

آدره من تبدیلندہ آریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

حقوق عاثر

قانونه لایحه‌سی مقننه کی مضبوطه

پکن نسخه دن مابعد

من طرف

زوجك حائز بولنديني حقوقك اك مهمي واك زياده اشكال مختلفه ايله مناقشات زمين اولاني حق طلاقدر. يقين زمانلر قدر غرب حقوقوني ايله محافل روحانيه سي طلاق قبول ايدن شريعت اسلاميه بي حقسنز و بك شدتلي تنقيد ايدرلردى. حالبوكه طلاق شريعتن نظر ندرده قايتله مبعوض، لذاته قبيح وبلا ضروره حرامدر. چونكه طلاق، نكاحه ترتيب ايدن اتصال مسنونك ولعممت ازدواجك حلقى رفع ايتكدر. بوايسه كفران نعمتدر. بوسيله طلاقده اصل اولان ممنوع اولميسيدر. يالكز ضرورت قطعيه بولنديغنده اساساً معنای نعمت تحقق ايتديكندن ارتق طلاق مباح اوليور وبو حق زوج و بربليور. وقيله بو حقيقتلردن غفلت ايدرك طلاقه عليه دار اولان غربك كوزي ضرورت اجتماعيه نك متبادي تضيقلري آچيش وبودغه طلاق لهنه حركتار باشلاي ريق النهايه آنلر طرفندن ده قبول ايدلمشدر. فقط بو صلاحيت، زوج دكل، محكمه يه و كليسا يه و بولمشدر.

غرب مؤلفلرينك شهادتلىرینه كوره ازمئه اخيره ده وبالحاصه حرب عمومى بي متعاقب اروپا و آمريقاليلر آره سنده طلاق وقوعاى شرقدن آزدكل، بك چوقدر. بود، معيشتك، مختلف جزيان اجتماعيلرك مضر نتيجه لرندن اك مهيسيدر. هاله صلاحيت كوشه دكجه طلاق وقوعاى طبعيله چوغاير. ايكنجى، برنجينك امين بر معياريدر.

دين اسلامده طلاق مذمومدر، بلا ضروره و عجلاله بوايسه تشبثدن منع وتحذير خصوصنده بك چوق نصوص شريفه وتحذيرات شديده شرفوازد اولمشدركه آنلردن برقاچ دانه سنى ذكر ايديورز:

۱- (وان عزموال طلاق فان الله سميع عليم = زوجلر، هر نه زمان طلاقى كوزه آليرلسه حين عقدده زوجلرينه مادام الحيات برلكده يشامغه دائر ويردكلري سوزى جناب حقك ايشنديكى و طلاقده كي خفي مقصدلرك ماهيتنى بك اعلا بيلديكى خاطر لاسينلر.)

۲- (وان اطعنكم فلا تبغوا عليهن سبيلا. ان الله كان عليا كبيرا = زوجلر، زوجلركز اطاعت ايتدكجه آنلردن افتراقه وسيله آرامايكز.

بويله زوجلر جناب حقك علو وعظمتنى، عدالت مطلقه سنى خاطر لاسينلر)

۳- (ابقض المباحات عند الله تعالى الطلاق) حديث شريفده «مباحلر آره سنده عند الله الك منفور اولان مباح بلا ضروره بقاع طلاقدر» بيوريليور. فقها طلاقك حكمنى اولبايده كي ادليه استناد آ شو صورته خلاصه ايتمشلردر: ۱) طلاقده اصل اولان ممنوع اولمقدردر. ۲) زوجين ييتنده

بوكون بزاويله بر حالته ياشيورز كه افراد ملثندن يالكز بر قسمتك سعادت حالى دوشونمه من اصلا جائز اولاماز. بوكون افراد ملق وبالحاصه بر چوق صدماته اوغرامش اولان مملكتى دوشونمك مجبور ييتدمز. بناء عليه هم ار ككلر يمز، هم ده قاديئلريز ممكن مرتبه فدا كارلقده بولونماليدركه ملي، سياسى، اقتصادى موجود يتمزى قورتاره بيله لم، يوقسه بر قسم افرادك رفاه وسعادتى فائده ويرمز.

۴- تعدد زوجات اصولى، قاديئلرك دوام محنته، بقاى لطافت و طراوتنه خادمدردر. بر قادين، زوجتك خدمتده بولونور، چوجوقلري تربي ايله مشغول اولور، امور بتيه سنى حسن رؤيته چاليشير. حال بوكه بر قادين، نجافت بنيه سيله برابر بوقدر آغبر وظيفه لري ايفايه اوزون مدت تحمل ايدمه من، صحتى مختل اولور، حسن و طراوتى زواله يوزطوتار، چوجوقلري ايتستديكى كي تربيه دن عاجز قالير، امور بتيه سنى بيكانه لرك النده قالمش بولونور. فقط زوجتك ديكر بر زوجيه سى دها بولوندينى تقديرده عهده سنه توجه ايدن بومهم وظيفه لر قسماً تخفف ايدر، استراحتنى تأمين ايدرك قدر مساعد زمانلر نائل اولارق محنتى، لطافت و طراوتنى ادامه يه موفق اولور.

خلاصه مقال: تعدد زوجات اصولى، شرائط شرعيه سى داخلده واقع اولدينى تقديرده فردى، اجتماعى بر چوق فوائد ومصالحى احتوا ايدر.

شريعت منوره من فيض طلوعيله آفاق انسانيت باشقه بر نورانيت ويرمش، مسعود بر هاله تشكيلى ايچون زوجينك متقابلاً ايفايده جبكلري وظيفه لري، متقابلاً حائز اولدقلري حقوقى تعيين بويورمشدر. ايشته بو حقوق و وظائفه رعايت ايدمه بيله جك ار ككلر حقنده تعدد زوجاته مساع وازدردر. بويله بر ار كك لزوم كوررسه بو اصوله رعايت ايدر، لزوم كوررسه بر زوج ايله قناعت ايلر. بو خصوصده بر مجبوريت بوقدر. حق زوجيه سنى محزون ايتمه مك ايچون اوزرينه تزوجى ترك ايدن بر ار ككك، كذلك اورتاغى اولاجق قادينى حزن وكرددن صيانت ايچون زوجيله ازدواجدن امتناع ايله ين بر قادينك عند الله مأجور اولاجنى (فتاوى هنديه، در المختار) كي معتبر كتب فقهيه مزده محرردر. بونكچوندر كه مسلمانلر آره سنده ايكي اوچ زوجلري اولان ار ككلر نهايت بيكده بر نسبتى تجاوز ايتمه مكده در. بناء عليه بزم مدافعه ايتديكمز جهت، شرائطى حائز اولان كيمسه لر حقنده بوبابده كي جوازك بر حكمته، بر مصاحبه مستند اولديغى بياندن عبارتدر. البته شارع حكيم حضرتلرينك تجويز بويوردىنى بر مسئله اجتماعيه حكمتدن، مصلحتدن خالى اولاماز. يوقسه مقصد من مطلقاً هر هانكى بر ار ككك متعدد قاديئلر ايله ازدواجنى ترويج وتشويق دكلدر. ذاتاً حقوق زوجيه رعايت ايدمه جك ار ككلر ايچون بر قاديئله بيله ازدواج ايتك جائز اولاماز.

عمر نصرى

منافرت حاصل اولوبده دوام معاشرت قابل اولمزه مباحدر. (۳) زوجه کچمسز اولورسه مندوبدر. (۴) زوج غین اولوق کبی بقای زوجینه مانع احوال قارشینده زوجه نك طلی اوزرینه واجبدر.

اشبو تحذیرات شدیدیه و فقهای عظامک اقوال سابقه لرینه مبنی در سبب مشروعه مستند اولیه رق ایقاع طلاق فعل ممنوعی ارتکاب اوله جغندن بر جزا تعیین ایدلمسی انجمنمزه دوشونلدی ایسه ده اسباب مشروعه نك ثبوتنده کی محاذیر و مشکلاته مبنی صرف نظر ایدلدی.

طریق قارشی زوجه نك صدمه مبنی. — یقینده عرض اولندی فی اوزره اکثر احواله قادین تهیجات عصیان دن سالم اولدیغندن و بوسیله سریع الانفعال بولندیغندن علی الاطلاق قادینه ده حق طلاق ویرلمه مشدر. زیرا قادینک بویه حق حائز اولمسی طلاق و قوعاتنک یک زیاده جو غالمسی موجب اولور که بوندن هم طاله و هم جمعیت متاثر اولور. مع مافیه قادینه ده بر طاقم سلاح مدافعه ویرلمه مشدر که شونلوردر: (۱) نکاح بالشرط، (۲) طلاق بالتفویض، (۳) حق تحکیم بونلردن برنجی شرط ایله نکاحه دائر اولان (۳۹) نجی ماده حقند. عرض ایضاحات ایتشدک. قادین اوماده موجبجه طلاق کندی الله اولوق ایسته دیکی زمان کندی نی تطلیق ایتک شرطیله عقد موافقت ایدر و زوجه ده قبول ایدر سه قادینک نفسی تطلیقه صلاحیتی بولور.

ثانیاً — تفویض طلاق که: زوجک زوجه منکوحه سنه ایسته دیکی زمان نفسی تطلیقه مأذونیت ویرمسیدر. بونک ایچون انجمنمزه (۱۰۷) نجی ماده اوله رق (زوج، زوجه منکوحه سنه امر طلاق الکده اولوب ایسته دیکنک زمان نفسی تطلیق ایت دیهرک تفویض طلاق ایتسه زوجه ده بونی قبول ایله دیله دیکی زمان کندی نی تطلیق ایدر بیلیر) صورتنده بر ماده نك قبولی تکلیف ایتکده در.

ثالثاً — حق تحکیم که زوجین آره سنده حسن معاشرت تأمین ایدیه میوب کچمسز نك دوام ایتدیکی صورتده قادین حاکمه مراجعتله آره کی نزاع و شقاقی حل و فصل ایچون بر طاله مجلسی تشکیلی طلب ایدر بیلیمسیدر. مراجعت واقعه اوزرینه حاکم طرفین طاله لرندن اوصاف لازمه فی حائز بر حکم تعیین ایدر. حکمک طرفینک افادات و مدافعاتی دیکله بوب تدقیق ایتدکن صوکره اوله اصلاح معاشرته چالیشیر. قابل اولدی نی صورتده قصور زوجه ایسه حکمک در حال ینلرینی تفریق ایدر؛ زوجه ده ایسه مهرک تمامی و یا بر قسمی اوزرینه محالهلر (ماده ۱۳۰) حقوق معروضه میاننده (تحکیم)، طاله محرمیتک سلامت و محفوظ.

طلی و طلاق و قوعاتنک حد اصغری به تنزیلی نامنه صوکره درجه عالی واجتماعی بر اصولدر. (ان یرید اصلاحا یوق الله ینهما) آیت کریمه سندن اسباب نزاعی تدقیقه مأمور حکمک مساعیسه الاول حاکم اوله حق روحک اصل تألیف ین اولدی نی آکلاشیلمه قدده در. امام شافعی وائمه

حننیه زوجک اذن و رضای اولدیقه حکمینک حق تفریق حائز اولدیقلرینه قائل اولمشدر. فقط حکمک بوتون مساعیلرینه رغماً تألیف و اصلاحه موفق اوله مدقلری صورتده هر حالده شوتشبتک انتاحی طرفینک سلامتی موجب اوله جغندن ائمه مالکیه حکمک حق تفریق ده حائز اولدیقلرینی قبول ایتمشدر که بونک کوره ترتیب ایدیلن ۱۳۰ نجی ماده عیناً قبول ایدلمشدر.

طریق حکمک برنجی موافقتیه؟ — طلاقک محکمه به تودی نی هم طرفینک و هم ده جمعیتک منافعه صورت قطعی ده مغایردر. طاله آره سنده محرم قالمسی ایجاب ایدن هر خصوصی طرفین کال عصیته انظار عامه ده تشهر ایده جک، بوندن حالا و آتیاً هم کندیلری و هم ده جمعیت متضرر اوله جقدر. فرض ایدیه بیلیر که زوج زوجه نك سوء حالندن، عدم عصمتندن بحث ایله محکمه به مراجعت ایدیور. ایجاب ایدن دلائل احضاره یا موفق اولور، یا خود اوله ماز، ایکنجی صورتده محکمه دن طلاق قراری آله میه جغندن اتمام ایتدیکی بر قادینه ادامه زوجیه مجبور اوله حق دیمکدر. حالبوکه بونصل قابل اوله بیلیر؟ بونلرک هیئت اجتماعیه آره سنده موقعلری نه اولور؟ برنجی صورتده یعنی زوج دلائل احضارینه موفق اولوب محکمه دن طلاق قراری آلدیغه کوره زوالی قادینک حالی نه اولور؟ رسماً فحش ایله محکوم بولنان بویه بر قادینک عمری اولدی نی مدتیجه هیئت اجتماعیه آره سنده کندی نی حرم ازدواجه آله حق ناموسکار بر آدم بولایلمسنه امکان وارمیدر؟ هر نصله غفلته بلکه ده بر فضیحه ده بولنش اولان بون بچاره نك جمعیت آره سنده یشامسی نه قدر کسب مشکلات ایدر؟ یا بونلرک چوققلری وارسه؟ آنلرک ناصیه ناموسلری اوزرنده ناقابل زوال بر صورتده نمایان اولمش بولنان لکنی دوشونک لازمکلمزمی؟ والده لرینک حضور حاکمه محکومیتی اوزرینه آنالرینه قارشی نه کی بر حسن ایله متحسس اولورلر؟ والده لرینک فضیحه سنی تشهره سبب اولان باباری حقنده نه کی بر فکرده بولورلر؟ غریبه بوهالهلرک ایکنجی صفحه سنی بر طاقم جنایتلر تشکیل ایتدیکی کثرتله کورولمکده در.

بناء علی طلاق مسئله سنی محکمه به تودیغ ایدوب ده غزته لرده وافواه ناسده بر حائثه اجتماعیه اولمسنه سببیت ویرمکدن ایسه بونی بالکمز زوجک ناموسسنه، تربیه دینی و ملیه سنه حواله ایتک البته ده زیاد موافق حکمت و مصلحتدر. ایسته شریعت اسلامی طلاق مستقلاً ارککک الله و زوجه ده حق تحکیم کی حقوق ویرمکله زوج و زوجه نك کاشانه شرف و ناموسلرینک کوچوب کیتیمی کی بوبوک محذورلری ازاله ایتمش بولنیور. بوبه حقوق طاله خصوصنده ولایت عامه دن ده قوتلی بر استنادک اولدیغه دلالت ایدیور.

طریق مکرره، طریق مکرره. — اهلیت نکاحه عقل و بلوغ شرط اولدی نی کی اهلیت طلاقده قصد و اراده نك منشای بولنان عقلی شرط اوله رق قبول ایدن امام شافعی ایله ائمه حنفیه دن کرخی و طحاوی حضراتی

سرخوش ایله مکرهك طلاقينك عدم وقوعه قائل اولمشلردر . وظائف عضويه سی ضلالت اوغرایان بر سرخوشك حال سكرده قصد واراده سی بولنه میه جفتدن آنك تفوهانك نه قیمتی اوله بیلیرکه حیات هاله یه تعلق بولنان بر مسئله مهمه ده تأثیری قبول ایدلسون . طلاق وقوماتنك بر قسم مهمی حال سكرده ایقاع ایدیلن طلاقلردن سكرانك طلاقك وقوعی قبول ایدن ائمه کرام ، سكردن منع و تحذیر مقصدیله قبول ایتشلردر . حالبوکه هر زمان بوزجر تأمین ایدیلمه مکنندن باشقه قوجه برعائله شعورسز تفوهات ایله کوجوب کیدیور .

حاز نصاب اجتهاد اولان ائمه کرامك بر قسمی متبوعلر و بر قسمی منتسبلر اولدیغه و کرخی ایله طحاوی اشبو منتسبنر میاننده بولندیغه - ابن کالک ترتیب مشهورینه رغماً - فقهك و تاریخ فقهك بك چوق شاهدلری و شهادتلری موجود اولدیغندن طلاق سكرانك عدم وقوعی مسئله سنده امام شافعی بولنسه بیله دیگرایی حنفی امامك اجتهادلرینی کافی بولان انجمنمز (۱۰۴) هجری مادی درجه سكری تصریح ایدرك (مختل الشعور اولان سرخوشك طلاق معتبر دکلدر) - صورتنده قبول ایتشدر .

« مکره » ، حبس و یا قتل که تهدید قارشوسنده مسلوب الاراده بولندیغندن [۱۰۵] هجری مادی (اکرام ملجی) ایله تعبید قبول ایدلدی . زوجك زوجه یه اوج طلاق ایله مالک اولدیغه دائر بولنان (۱۰۸) هجری مادی عیناً قبول و فقط اوج طلاقك بردن ایقاعی بر امر منکری التزام اولدیغی جهته مستلزم مجازات بولدیغی تصریح ایدلدی . عدلیه انجمنی اعضای کرامنك اکثریتی طرفدن تذیل ایدیلن فقره ، اقلیتده بولنان عبدالله عزمی اقدی طرفدن درمیان ایدیلن دلائل علمی و مطالعات اجتماعی به منافی انجمنمز جه شایان قبول کوروله مشدر .

طهوره . — « سنی بوشادم ، بندن بوش اول » ، که الفاظ صریحه ایله واقع اولدیغی که « بورادن کیت ، کیمه ایسترسهك واره » که متعارف اولان الفاظ کنویه ایله ده واقع اولور . چونکه برلفظ برملکت هرقلده طلاقده متعارف اولورسه صریح حکمنده اولور . متعارف اولیمان الفاظ کنویه ایله طلاقك وقوعی زوجك نیتیه متوققدر . [ماده : ۱۰۹]

طهوره رحیمی و بایه — طلاق رجعی ، زوج ایچون حق رجعت اولان طلاقدر . طلاق باین زوج ایچون حق رجعت بولنیمان طلاقدر . شریعت اسلامیه ده طلاق اصلاً ملتزم اولمایوب نکاحك دوامی مطلوب بولندیغندن زوج بعدالتقرب زوجه سینه « سنی تطلیق ایتدم » ، که تلفظ صریح طلاق ایله تطلیق ایدرسه — که آندن « طلاق رجعی » ایله تعبیر اولنور — فی الحال رابطه زوجیتك زواله حکم ایدلمه مش ، بلکه مدت عدك دوامنجه حکم نکاحكده دوامی قبول ایدلمشدر . بو صورتله زوجیتك افتراقه منتهی اوله حق ائیم وضعیتلرینی واکر وار ایسه بیچاره

یاور و چو جقلمینك سفاتلرینی تأمل ایدرهك اطاده معاشرته چالشمه لرینه فرصت ویرلش اولیور . نصلکه بو مدت ظرفنده زوجك زوجه سینه « سکا مراجعت ایتدم » ، که قولاً ، یاخود آتی اوخشامق که فعللاً مراجعتیله الآن موجود اولان نکاح کماکان دوام ایدیور . و بو حق رجوع زوجك اسقاطیله ده ساقط اولیور . حقوق مجرده بشقه یرلرده ساقط اولدیغی حالده شارعك نکاحده سقوطی قبول ایتمه منی نکاحه و دوام نکاحه ویریلن قیمتی واضحاً کوسترر . طلاق رجعیده حکم نکاح دوام ایتدیگی جهته زوج مراجعت ایچون نه زوجنهك رضاسنی استحصاله ونده مهر جدید تعیننه لزوم کوروله مشدر . [ماده : ۱۱۱ ، ۱۱۲ ، ۱۱۳]

(وبعولتن احق بردهن فی ذلک ان ارادوا اصلاحاً) آیت کریمه سنده طلاق ایقاع ایدن ارککارك ، اورته یه قوبدقلری شوقالهی اصلاح وازاله یه چالشملری يك طبیعی بولندیغندن اثنای عدته اصلاح معاشرت آرزو اولندیغنده آنلرك قادینلره مراجعت ایتلری ایجاب ایتدیگی تعلیم و بو صورتله قادینلرك موقعی اعلا ایدیلور .

طلاق رجعیده رابطه زوجیتك دوامندن دولاییدر که اثنای عدته زوجه مشترک هاله یووالرنده اوطوره بیلیر . ایشه بو و امثالی احکام شرعیه نکاحك دوامنه ویریلن قیمت واهمیتی واضحاً کوسترر .

زوجه بو حق مراجعت برنجی طلاق رجعیده ویرلیدیگی که حکمت معروضه یه منی ایکسیمی دفعه سنده ده مساعده ایدلمشدر . اوجنهی ده ایسه بینونت قطعیه واقع اولیور . وایکی دفعه تجربه کافی عدایدیلیور . [ماده : ۱۱۵] قبلالتقرب صورت معروضه ده تطلیق ایله درحال زوجیت زائل اولیور که آندن ده « طلاق باین » ایله تعبیر اولنور . هنوز بر یا صدیغه باش قویمایان بو طایفه نامزدلرینك تهلهکلی رحیات کچیره جکلری قبلالتقرب آکلاشیله رق آرتق شرعاً نه عدته ، ونده اصلاح و تعمیر معاشرت ایچون انتظاره لزوم کورولیور . بینونت افاده ایدن الفاظ ایله ویا برعوضه مقارن اوله رق واقع اولان طلاقدرده طلاق بایندر . [ماده : ۱۱۶] شوقدر وادکه پرویا ایکی طلاق باین تجدید نکاحه مانع اولیور . بو صورتله اولسون ادامه مناسباته فرصت ویریلیور . [ماده : ۱۱۷] اوج طلاقدن صوکره ایسه آرتق امر نکاح ملعبه اولماق ایچون فضله سینه جواز ویریلیور .

آنحق بو تلاعی منع ایچون قبول اولنان بینونت قطعیهك زوالی بعض احوال واسبابك اجتماعی حالنده تحقیق ایدم بیلور . نصلکه (فلانحل له من بعد حق تنکح زوجاً غیره) آیت کریمه سیله ایضاح صدندده وارد اولان بر حدیث شریفدن بوجه آتی شرائط تحلیل مستفاد اولمقده در . (۱) زوجنهك عدتنك سروری ، (۲) تحلیل مقصدیله اولیه رق زوجنهك زوج آخرله نکاح وازدواجی ، (۳) زوج آخرك مقارنتی ، (۴) کونك

برنده آمدن ده طلاق و یا موت کی بر صورت له افتراقی، ۵) آمدن سوکره بوعدتك ده مروری، ۶) زوج و زوجه نك بعد ما حدود شرعی و وظائف زوجیه لرینه حرمتکار اوله جملرینه قانع بولمیری. ایشته بوقیود و شروط داخلنده زوج اول حل جدید ایله زوجه سنه مالك اوله بیلور. [ماده: ۱۱۸]

بو حل جدیده مساعده ایدن شریعت اسلامیة نك یینه غایه سی حائله نك دوامی در. طرفینك اوزون بر سرگذشتدن سوکره آلدقیری درس انتباه ایله یکندیگرینه صداقتله مربوط قالمیری پك مأمولدر. کوریا بیلور که بو ایکنجی ازدواج غایت طبیعی اوله رق تأسیس ایدیلور. و بوضو رتله نهایت بولور. فقط بعضی سفها منعی بر نکاحله مساعده دن استفاده املنه دوشمنکده لر که (لعن الله المحلل والمحلل له) حدیث شریفنده بو حیله کار کروندن هم برنجی زوجك، هم ده ساخته ایکنجی زوجك نظر شریعتده ملعون اولدقیری بیان بویورلشددر. (حیله) نامیه قادینی بازجه ایدن بوسفهانك افعال ملتکارانه لر عینی زمانده احکام اسلامیة حقننده سوء تفهیمی موجب اولدیغندن بوجهتله ده سزاوار تلغیندر لر.

عزت

عزت. — نکاح و یا شبه نکاحك زوالنده قادینك معین بر زمان تربص وانتظارندن عبارتدر. عدت، بر طاقم مصالح مدنیة بی جام مدرکه آنردن الك مهمی اختلاط انسابه مؤدی اولماق ایچون برانت رحك آکلاشیلمه سیدر. نسب، عقلك قیمت ویردیکی امور مهمه و مرغوبه دن وانسانك مابه الامتیازی اولان خاصه لازمه سندن معدوددر. دینیه بیلیر که انسان یالکز نسبه ویردیکی اهمیتله حیوانات سائرده دن کسب امتیاز ایتمشدر. بو سبیله نسبك تاریخی، تاریخ بشرله باشلار و آنکله سیر ایدر.

عدته ترتب ایدن مصالح مدنیة دن بریسی ده نکاحده کی فحامت اجتماعیة بی تعظیمدر. عدته شویله بر حقیقت افاده ایدلمش اولور: نکاحك تأسیس ایتدیکی رابطه مدنیة جوق قوتلیدر. ازاله سنه مجبوریت حاصل اولدیغنده ایلرجه انتظار ایتك ضرورتی وارددر. بوقسه بر ساعتده اجتماع وانفکاک عرض ایدن بر جوجق او یونی دکادر. بر اوچنجی منفعت ده عدته، طلاق رجعیده طرفینه اعاده معاشرته زمان وفرصت ویرلمش اولمیدر.

عزتك مذهب شرعیسی. — نکاح صحیح و یا شبه نکاحدر. فقط نکاح کاه تقرب و یا اجتماع ایله، کاه موت ایله تأید ایتدیکنندن نکاح بونلره مقرون اولدقجه عند لافتراق طبیعی عدت لازم کلز. (ماده: ۱۴۶)

عدتك شرطی، زوجینك افتراقیدر. (طلاق، فسخ، تفریق،

وفات) اسباب افتراقدن بولندقلرندن نکاح صحیحده طلاق و یا فسخ سبیلله واقع اولان «تاریخ افتراق» و نکاح فاسده «تاریخ تفریق» مبدأ عدت اعتبار ایدلمشدر. وفاتده کی عدتك مبدای ده طبیعی زوجینك تاریخ وفاتیدر. (ماده: ۱۴۵)

عدته واحد قیاسی «حیض» ایله «شهر» در. یالکز حیض عدته مقیاس اولمقده اصلدر. «شهر» ایسه هر هانکی برسبیلله حیض کورمین قادینلرک عدتنده «حیض» ک خلفیدر. برده حاملک عدتی وضع حمل ایله در.

شو معروضات متقدمه دن سوکره لایحه نك «عدت» فصلنده کی موادینه عطف نظر ایتدیکمزده اولان: طلاق فسخ، تفریق صورتیه زوجندن افتراق ایدن قادینك عدتی «اوج حیض» در. [ماده: ۱۳۹] فقط هر قادین حائض اولماز. سن ایسه واصل اولمقله و یا خود واصل اولمندن اسباب سائر یه منی حیض کوره من. بوقادینلرک عدتنده «حیض» یرینه «شهر» واحد قیاسیدر. بناء علیه سن ایسه واصل اولان قادینلرک مدت عدتی اوج آیدر. [ماده: ۱۴۱]

سن ایسه واصل اولمیان و برسبیلله هیچ حیض کورمیان و یا برایکی حیضدن سوکره منقطع اولان کنج قادینلرک عدتی امام مالکدن منقول بر قوله کوره طقوز آیدر. بونك آتی آتی انتظار، اوج آتی عدتدر. [ماده: ۱۴۰]

ثانیاً حامل قادینك مدت عدتی وضع حمل ایله نهایت بولور. [ماده: ۱۴۰]

ثالثاً: زوجی وفات ایدن قادینك عدتی واردر که بوده درت آی اون کوندر. یالکز حامل ایکن زوجی وفات ایدن قادینك عدتی ده وضع حمل ایله نهایت بولور. [ماده: ۱۴۳]

قیسه بر اجمال ایله عرض ایدیلن عدت مسئله سنك شریعت اسلامیة ده بوضو رتله اشکال متعدده عرض ایتسی هر بری آیری آیری اسبابه مستند اولمسننددر که آنلری ده ماده لرك مذا کره سی اثنا سنده شفاهاً عرض ایلرز.

خانم

قبل الاسلام قادینك حقوق — دین اسلامك قادینه بخش ایتدیکی حقوق —

اليوم غریبه قادینك حائز اولدینی حقوق

لایحه قانونیه نك تدقیق مناسبتیه دین اسلامك عقد نکاح دولایسیله زوج و زوجه یه تعیین ایتدیکی حقوق و وظائفی احکام متفرعه سیله عرض وایضاح ایتدك. بوراده قبل الاسلام قادینك حائله اره سنده کی موقعی دین اسلامك نکاح داخلنده و یا نکاح خارجنده صورت عمومیه ده قادینه بخش ایتدیکی حقوق مساوات و امتیازاتی و اليوم غریبه قادینك حائز اولدینی حقوق عرض ایتك ایسترز. تا که دین اسلامك قادینه بخش

ایتدیکي حقوق مدنيه نك نه درجه لږده يو كسك بولنديغك ارباب انصاف نظر ښه بالمقايسه تجليسته خادم اولسون .

قبل الاسلام قادين، يريوزنده كي بوتون اقوام بشر نژدنده حقارت واساره محكوم ایدی . دين اسلامك ظهور ايتديكي جزيرة العربده قيز چوقلرني ديري ديري دفن ايتك حسناندن عدولتوردی . اوراده (دفن النبات من المكر مات) كې سوزلر مثل سائر حكمنه كچمشدی . (واذابشر اخدم بالاتي ظل وجهه مسوداً وهو كظيم الآية) آيت كريمه سنده آنلردن بريدن برقيز چوقغتك ولاديتله مژده لنديكی وقت غيظي سينه سنه چكرك حدتندن يوزي قاب قاره اولديني ، كنديسته ويريلن كوتو مژده دن طولاي هر كسدن صاقلانديني ، بوني نه پايه يم ؟ حقارته قاتلانهرق آليقويلايم مي ؟ يوقسه طوبراغه كومه يم مي ؟ ديه شاشيروب قالديني ، بيان بويوريليور كه قبل الاسلام جزيرة العربده حكمران اولان قويو جهالتك ، قادين حقنده كي وحشيانه تلقيلرك اك بارز بر نمونه سيدر . قديم يونانيلرده ار ككك كندی حال حياتنده زوجه سني آخره دور ايتمه سني ، ياخود بعد الوفا ت بشقه بر كيمسه نك تحت وصايتنه ويرمسي ذكر ايتك آنلر آره سنده قادينك ده موقعي نهدن عبارت اولديغني واضحاً كوستر .

بر بچق عصر اوله كلنه قدر انكترده قادين ار ككك سفره سنه او طور مق حقني حاز دكلدی . سوال اولمادن سوزه باشلامسي ده عيب عد اولتوردی .

خلاصه قبل الاسلام بوتون ملل واقوام نژدنده قادين طبق امتعه كې ارثاً انتقال ايدييور ، هه اولتيور ، اوك ايچنده اولاد ذكوري نظر ښه بيله اسير جاريه دن دها اعتبار سز بولتيوردی .

دين اسلام ظهور ايدنجه بر طرفدن ار ككك قادين حقنده كي سوء تلقيلرني شدتله ازاله يه جاليشدی . ديكر طرفدن امر ونهي ، تحذير وترغيب كې بوتون خطابات قرآنيه ار كككله قادين مشتركاً تعلق ايتكه وبو صورتله قادينك شاني اعلا ايلكه باشلادی . (ان المسلمين والمسلمات والمؤمنين والمؤمنات والقانتين والقانتات والصادقين والصادقات والحاشرين والحاشرات والمتصدقين والمتصدقات والصائمين والصائمات . . .) آيت كريمه سنده كي كې بر خطابه ار كككله قادينك مشتركاً متعلق اوللري يكي بر جاده ایدی . بومساوات اووقته قدر تاريخ بشرده كورولمش شيلردن دكلدی .

كتاب ميين بر طرفدن قادين بوسورتله يو كسكته رك ديكر طرفدن ار ككك ظلم وجوريني قيروب تنزيل ايدرك هرايكي صنفی عدالت و مساوات ساحه سنده بر لشد يردی . هرايكي صنفك متساوياً سعادتي تأمين ايدلدي .

دين اسلامك قادين بخش ايتديكي حقوق مساواتي ايضاح ايدم بيلمك ايچون بروجه آني بر قاج موضوعي عرض ايتك ايسترز :

(۱) قادين ار كك كې استقلال فكر و اراده صاحيدر . بونك ايچون ار ككك رشيد اولان بر قادين اوزرنده هيچ بر كونا حق تحكيمي يوقدر . حق بونك ايچون كيرمك نكاحنده اذن ولي به لزوم بيله كورولم مشدر . (الايم احق بنفسها من ايها) حديث شريفنده آرتق بوسنده كي برقيز ولينك ولايتندن مستغني عدايدل مشدر . تزويج خصوصنده ولي به مراجعت ايدلسي مملكتك صرف وعادته كوره قيزك ازدواج خصوصنده باشلي باشنه حركت ايدرك وقاحته ، حياسز لغه نسبت ايدل ماسي ايچوندر . ار ككك رئيس عائله اولسي ايسه عقد نكاحه ترتيب ايدن بر حقدرد . حق بر حق طيعيدر . فقط بوده ارشاد و حمايه دن عبارتدر . قادينك استقلال فكر و اراده سنه معارض دكلدر . بناء عليه دين اسلام نظر ښه قادين رشد و اراده دن محروم بر سي ما كنه سي دكلدر . بلكه عائله نكك حقوق طبيعيه مالك برر كنيدر .

(۲) تكاليف دينيه ده مساوات . معلوم اولديني اوزره ، عباداته دائر ار ككك هر نه كه فرض اولدسه قادينده فرض اولمشدر . بالعموم فرائض الهييه ايله مكلف اولمده ، انلري ايضا وتر كه ترتيب ايدن اجر و ثوابده ، اتم و كنده ار كك قادين مساويدر . آنجق بوندن جهاد كې عسر و مشقتي موجب اولان عبادات مستثنا تشكيل ايدر . بونكه برابر عصر سعادتدن تازمانمزه ، حركات مليه به قدر مسلمان قادين بر چوق حرب ميدانلرنده مجاهدنيك آخبر لقلرني نككه مك كې اردونك كرى خدمت لري ايضا ايدر لردی .

(۳) قادين ار كك كې تحصيل علم ايله مكلفدر . قادين بالاتفاق عالم اولور ، معلم اولور ، ولي اولور . اسلام قادينلري ايچنده نيجه عالم ، عارف لري تشمشدر . احكام اسلاميه نك بر قسم مهمي حضرت عائشه دن منقولدر . قاديندن استفتا ايديلور . معين خصوصاً حاكمي قبول اولتور .

(۴) قادين ار كك كې حقوق مدنيه مال كدر . بوحقوقه استناداً عائله وظائفي اخلاص ايتمه مك اوزره حق سي وحياته اشتراك مقرر در . عقودده ، مقاولانده ، معاملاتده قادينك حقوق ، ار ككك حقوق كيدير . قادين زوجنك اذنه باقمسزين كرك قبل الازدواج مالك اولديني ورك بعد الازدواج اكتساب ايتديكي مالنده ديلديكي كې تصرف ايدر . صافار ، ترهين ايدر . وارث اولور ، كوچوك چوقلر و وصي نصب اولتور . بيع وشرا ، نكاح ، هبه ، شفعه ، ايداع ، اجاره و اعاره ، كفالت وكالت ، شركت و قسمت ، دعوا و اقرار ، صلح و وصيت كې تصرفات شرعيه ده قادين ار ككك حائز اولديني حقوق تماميله حائزدر . على الاكثر قادينلرك حفظي قاصر اولديغدن شهادته بر فرق كوزم دلمشدر . بونكه برابر ولادت ، ارضاع ، حيض كې قادين خصوصاً سنده كي

شهادت‌تری ده منفرداً قبول ایدلشددر . احکام وراثتده کی فرق ایسه رئیس عائله بولان از ککک عائله نك معیشتی در عهده ایتمی دولایسیله درکار اولان احتیاجندن دولاییدر . نکاح بر معاقده حقوقیه اولدیفندن انک قادینک اشبو تعداد اولنان حقوقی اوزرنده هیچ برکونا تأثیری یوقدر . قادین قبل النکاح حائز اولدیفنی خصوصیت حقوقیه بی بعدالنکاح کاکان محافظه ایدر . هریده قادینک حائز اولدیفنی حقوق یوبابده بیوک آنسیقلوبه دینک (۱۷) نجی جلدینک (۱۵) نجی هیفه سنده شومعلومات ویرلمکدهدر . صورت مترجمه سی عیناً نقل ایدیورز :

« مال حاضرده کی مقرقر . — نظام حاضرده قادینه : قوانین مدنیه مزك تحت تأثیرنده حقوق مدنیه اعتباریله قادین همان همان ارککه مشاهددر . قاعده ایکی جنس آرمسندده کی مساوات مدنیه تقنین ایدلشددر . شاید قادین ازدواج ایدنجه موقت بر عدم اهلیته تابع طوتمش ایسه — زمانمك اك ممتاز حقوق شناسلرندن موسیو « پول زید » ك اخطار مصیبي وجهله — بو عدم اهلیت اونك جنسیتته مربوط برشی دکلدر . زیرا قادینک کرک روحانی و کرک جسمانی طبیعتده بو عدم اهلیتی ایجاب ایدیره جك بر سبب یوقدر . یالکیز اونك تأهلندن متولد بو حال مارضی وخارجی بر کیفیتدر . فرانسیز قوانین جدیدده سی قادین ایچون بوقیمتدار موافقتی تأمین ایتمشدر . حالا شودقیقه ده اوروپا قانونلرینک اکثریتی قادین ایله ارککک شو مساوات مدنیه سی تأمین ایتمشدر .

« اسکی فرانسه ده حق اختلالدن برکون اول قادینلر بالخاصه میراث خصوصنده ارکککک پک زباده دوننده ایدیلر . بالآخره یاییلان قانونلر موجبجه قادینلر تجارت ایتمکده دکان آچمه ، کرک شاهد و کرک مدعی صفتیه محکمه حضورینه چیقمه حق قزانیدیلر . نهایت محکمه حضورنده بشقه سی نامه وکالت حقنی ده احراز ایدیلر . نهایت (پوست لاندو) دبیلان فرمانک تعیین ایتدیکی قیوددن و بوکا مشابه روما حقوقندن آز جوق آغیر بندلرذن قورتولیدیلر . مع هذا بو قیوداتک بعضیلری حالا جنوب مملکتلرنده موجوددر . قادینلر بوکون ارکککه ممنوع بعض امتیازاندن مستفیددرلر . برنجیسی ، اون بش یاشنده تأهل ایدمیلیرلر . ایکنجیسی تأهل ایچون آنجق یکریمی بر یاشنه قدر ابوبنک مآذونیتی آلمغه مجبوردر . آندن صکره دکلدر . فقط بوکا قارشى قادین ارکککک تابع اولدیفنی مضاعف بر عدم اهلیته تابعدر . برنجیسی قادین نه بر سبب نفوس ورقه سنده ونده بر وصیت کاغندنه شاهد اوله من . ایکنجیسی بر عائله مجلسی افرادی آرمسندده نه اعضا ونده وصیه اوله من . مکرکه تحت وصایتده اولان چوجنک یا والدیه سی ویا بویوک والدیه سی اولسون .

« زومك تحت قهرنده کی قادینه . — متأهل قادینلر ، حقوق مدنیه نقطه نظرندن حائز اهمیت دکلدر . قانون مدینک (۱۱۲۴) نجی ماده سی

اونلری غیر اهللر آرمسندده قویمشدر . فقط بو عدم اهلیت مطلق دکلدر . شو خصوصنده که بو عدم اهلیتک نتیجه سی نسبی بر بطلان عقددر . یوقسه بر بطلان مطلق دکلدر . قانونک شیمدیکی تلقیسنه کوره قادینک بو عدم اهلیتی اونى حمایه وعائله نك منافعی وقایه ایچونددر . قانونک (۱۳۸۸) نجی ماده سی موجبجه قادین تأهل ایدرکن غائب ایتدیکی اهلیتی ازدواج مقاولاتیه تکرار اکتساب ایدم من . بناء علیه اشبو عدم اهلیت ، نکاح دوام ایتدیکی مدتیجه باقیدر . قانونک (۲۱۷) نجی ماده سنده شو عبارده اوقونیور : « قادینک اموال واملا کی آیری بیله اولسه نه پاره مقابلنده ونده مجاناً ترهین ، فراغ ، هبه ایدم من . » « والحاصل قادینک عدم اهلیتی عمومی اولدیفندن قاعده اوله رق زوجك مآذونیتی اولقسزین هیچ بر معامله حقوقیه ده بولنه مامسی قبول ایدلشددر . حتی قادین قوجه سنك مآذونیتی اولقسزین آخرک هبه سی دخی قبول ایدم من . خلاصه کلام هر نه جنس اولورسه اولسون هیچ بر حقوقی ایش یاپاماز . قادینک شو وضعیتی زوجك اونك اوزرنده کی ولایتندن متولددر . مع هذا بعض خصوصاتده سربستدر . مثلاً (۱۰۹۶) نجی ماده موجبجه نکاح انساننده زوجین آرمسندده وقوع بولش بره بی بلامآذونیت فسخ ایدمیلیر . کذلک (۳۹۵) نجی ماده موجبجه بر والدیه صغیر اوغلنه یاییلان بره بی قبول ایدمیلیر . « قادین نه مدعیه ونده مدعا علیه اوله رق زوجك مآذونیتی اولقسزین اقامه دعوی ایدم من . حتی تاجر دخی اولسه قوانینه نظراً دعوايه مباشرندن اول مآذونیت استحصالی لازم دکلسنده بونك حکم قطعیدن اول آنسی لازمدر .

« مراد منایره قادینه . — قادین پولیسه هاند ویا خود جنایته متعلق خصوصاتندن دولایي تعقیب اولدیفنی وقت زوجك مآذونیتی لازم دکلدر . فقط قادین بوجنایت مسائلندن دولایي محاکم حقوقیه حضورنده کندیسی بر دعوی اقامه ایدرسه زوجك مآذونیتی آلمغه مجبوردر .

« مقایسه قوانین . — اوروپانک قوانین اخیرده سی مختلف تشبیلر نتیجه سنده روما حقوقندن مقتبس بر نظام مفهومات حقوقیه بی ، دین نصرانیت احکامی وجرمان عائله لرندن مأخوذ بعض تعامللرله قاریشدرلشددر . دهها پک یکی بر زمانه قدر قانونلرک اوتهمسندده بریسنده جنسین . آرمسندده کی عدم مساواتی کویسترن بارز فرقلره تصادف اولنمقدهدر . مثلاً اسوچیا قانون مدنیسنه نظراً غیر متأهل بر قادین عمرینک صوک کونه قدر بر صغیر کی تحت وصایتده بولنور . طوسقاناده پاپالغه تابع ممالکده وضعیت یته بویلهدر . اسپانیاده قادین کفالت ایدم مژدی . یالکیز ایتالیاده ۱۸۶۷ ، واسپانیاده ۱۸۸۹ ، تاریخی قانون مدنیلرک اعلانندن اعتباراً هر ایکی قطعه ده قادینلر منحصرأ قادینلر سیبیلله اوزرلرنده بولنان عدم اهلیتدن خلاص اولمشلرددر .

اوروپا بونك بويوك بر قسمندة حالا وراثت قانونى ذكوردن اولان وارثلك لهنه در. انكلمترده قيز چوققلى بايارينك ترك ايديكى اموال منقوليه توارث ايدمزلر. روسيه ده چارلق زماننده قيزلر اموال منقوله نك سكزده برينه وغير منقوله نك اون درنده برينه مالك اوله بيليرلردى.

• حالا زور يخذم قيز وارثك بش حصه اعتبار ايديله در دى ارثك آلير. فضله اوله رق ارثكلر ، بايارندن منتقل عقاراتى جزئى برقيتاله طلب واستعمال حقنه مالكدر متأهل قادينك عدم اهلىق ايله طول بر قادينك اهلىق آرد سنده كى تضاد حقوق جديده نك اساسلى خصائصنددر. متنوع قانونلر مزلر اخذ واقباس اولندينى اسكى ايكي مجله قوانيده بو تضاد موجود دكلدر. زيرانه رومان قانونلر نه بار بارلك تعامللر نده بويله رشيشه تصادف اولونمور. قوانين جديده ده بالعكس كرك فرانسه ده ورك آلمك غيرى مملكه تلمدره غير اهل اولان قادين دكل ، ذات الزوج زوجة در. چونكه بو عدم اهليت نكاح ايله باشلايوب اونك زواليله ختام بولمقددر. متأهل قادين زوجك تابعيته ، تحت امرينه تماماً و قطعياً داخل اولوب اونك مأذونيتي اولمقسزين مدنى و حقوقى هيچ بر معامله ده بولونه ماز. اوروپا بونك شالنده وياجنوسنده اخلاقى و مزاجى بر برينه بكمزه مدين بر جوق ملتدره تصادف اولنان بو احواله قارشى غايت بليغانه اعتراض و تنقيدلر وقوعه كمش سه ده اولنلر رخصماً شوو ضعيتك اداميه سى ايچون غايت جدي مطالعه لر سرد ايدلكنده در. شويلا كه :

• هر زده ازدواج طائله نك تكليفاتى برلكده فعلاً و حقوقاً تحمل ايدر و زوج مال مشتركى اداره ايلرسه - كه ا كثر يا بوتون اوروپاده اوله در - بر مقصد داخلنده رابطه نكاح ايله برلشمش اولان زوج و زوجة شايد آ كلاشه مازسه صوك سوز زوجة يعنى رئيس طائليه ، طائله نك اتفاقى تأمين ايدن ذاته و اونك سعادتمندن مسئول اولان كيمسه طائله اولمسي ضرورى و منطقيدر. مع هذا بو قانونلر احوال عاديه و طبيعيه كوره بايلشمش اولوب شايد زوج كندى حقوقى سوء استعمال ايلر و يا خود وظيفه سنى اهمال ايدر سه حق سز اولمش اولور. بوكى احتمالاته مقابل واضع قانونلر متنوع چارلر دوشونملشدر. بو چارلر : طلاق ، تفريق اموال و يا خود ولايت زوجك تعطيل ويا الغاسندن عبارتدر. اخيراً انكلمترده دهها جذرى بر اصول قبول ايدلمشدر. (۱۸۸۲) تاريخنده بايلان بر قانونه نظراً اوراده قادين حين ازدواجنده مالك اولدينى بالمله اموال و املاكى شخصاً تصريف و محافظه ايدم بيلير. كذلك بعد النكاح يا ارثاً ويا بر صنعت اجراسيله و يا خود مهارت ادبيه و صنعتكارانه سايه سنده ا كتساب ايدم بيله چكى روتى محافظه ايدم بيلير. كذلك محكمه حضورنده مدعى و مدعى عليه اوله بيلير. كذلك زوجندن آيرى اوله رق بر تجارت يابارسه غير متأهل

قادين كى افلاسه حكم اوله بيلور. انكلمتر قانوننك بونده كى مقصدى تبيل ، سرخوش ويا مسرف بر قوجه و وارمش اولان بر قادينك سربىق جر كنى تأمين ايتمكددر. فقط قانون مذكور آوروپا حقوقى ايچنده جسورانه بر بدعتدر. بو تعديلاتك نتايجى شمديدن كسدير مك بويوك بر جرأندر. نظره اولاده متأهل قادينلر ك حقوقى تعيين ايدن قانلر مزلر بعض جهتلردن افراطه واران فقط لر ينى تعديل اتمك غير ممكن عد اولونماز. فقط قادينارى بوسه بوتون سربست بر اقامق شرطيله. زيرا بويله بر سربىق تام زوجيت لوازميله غير قابل تأليفدر. اوروپاده قادينك حائر اولدينى حقوقه دائر نقل ايديكمز معلومات ده بوراده ختام بولور. بناء عليه انجمن مزلر تعديلات و تكليفاتيله برابر لايحه قانونيه هيئت عموميه به سوق ايدلك اوزره مقام رياستپناهى به تقديم قلندى.

۱۲ شباط ۳۴۰

شرعيه انجمنى رئيسى
بروسه مبعوثى
مصطفى فرمى

مضبطة محررى
قره حصار صاحب مبعوثى
محمد فاضل

غازى عيانتاب	قسطونى	كاتب
شاهين	ولد جيلجى	آبدى مبعوثى
موش	قونيه	محمد اسمر
الباسى سامى	مصطفى	اورده
بعض اساساته مخالفه	مصطفى فبى	شيخ صفرت
مسن فرمى		

(۱۲۹) نجى ماده سته قدر تدقيق و مناقشه سنده
بولنديم اشبو قانونك (۷۰۶، ۴) نجى ماده لريله
(۵۴) نجى ماده ده مذكور (۱۳) نجى ماده به
طائله حكمتك اطلاع (۱۰۳، ۱۱۹، ۲۱۸)
(۱۲۸) نجى ماده لر مخالفه ، نقاط نظريه هيئت
عموميه ده عرض ايدم جكم

قونيه
نعم

لوندرة مسلمانلرى

براى كى نسخه مقدم (لوندرة) به مواصلت ايدن مصر سفيرينك شرقه لوندرة مسلمانلرينك (شاه جهان) جامع شريفنده بر احتفال ترتيب ايتدكلرينى يازمشدق. لوندرة دمكى مسلمانلر ك بومناسبتله ترتيب ايتدكلرى دينى احتفاله دائر اخيراً معلومات آتیه به دسترس اولدق : شباطك اوچنچى كوني مصر ك لوندرة سفيرى عزيز عزت پاشا حضرتلرى (شاه جهان) جامع شريفه دعوت اولونمش و كنديسنه